



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Replica Ioan. Eckii Adversvs Scripta secunda Buceri
apostatæ super actis Ratisponæ**

Eck, Johannes

Ingolstadii, 1543

VD16 E 416

Catholicorum opera bona & fides viua.

urn:nbn:de:hbz:466:1-30106

dentur. Sanctius esset deo adhærere, eum summum bonũ colere, præcepta eius & ecclesiæ seruire, quàm illis contemp-
tis solam fidem in deum inaniter ac vane iactare, sine eu-
angelicis operibus.

Vere quadrat in Luderanos suos, quod ait. Veram car-
nis castigationem ignorant: sicut fide viuã carent, quia fi-
des sine operibus mortua est. Nos autem catholici, confes-
sionem & pœnitentiam in ecclesia dei habentes, in timore
eius ambulamus, agnoscentes defectus nostros clamamus. Quales Lu-
derani.
Imperfectum nostrum viderunt oculi tui: cœremonijs vero Psal. 138
non nihil erigimur ad dominum, & afficimur plurimum
pro hoc statu miseræ, vbi mortali sumus alligati corpori
& mundo, sensibili. Id quod suus Grammaticus Melanch-
thon aliquãdo fatebatur: Impossibile esse religionem con-
seruari sine cœremonijs. Melanch-
thon.

Bucerus cum intelligeret se nimis impudenter mentitũ, B. B. ij.
Bucer te-
mere iudic-
cat opera
nostra.
catholicos ignorare castigationem carnis, retractat illud,
& tribuit nobis ieiunia & abstinentias: at, inquit, fucata
sunt & nulla commoditate spiritus: at quàm inique hoc fa-
cis, prohibet Christus, nolite iudicare, & non iudicabimi-
ni, quod Beda post sanctos patres ad opera indifferẽtia ad-
aptat: quanto minus iudicare debemus opera in genere bo-
na: Deus scrutatur corda & renes, non Bucer aut Luther.
At habet quod dicat, quia catholici castigantes corpus in
ieiunijs, orationibus, vigilijs, & abstinentijs secundum do-
ctrinam euangelicam, non habent fidem viuam, sed quis
hoc reuelauit Bucero: nonne magis præsumendum est fa-
cientes opera euangelica habere viuam fidem, quàm ocio-
sos Lutheranos bonis operibus vacuos? Et catholicos ha-
bere fidem viuam argumento S. Iacobi euincimus: osten-
dat nobis Lutheranus fidem suam sine operibus: nos au-
tem catholici ex operibus ostendemus eis fidem nostram:
nisi enim crederemus, opera à deo præcepta vel cõsulta, &
quæ Catholico-
rum fides
uiuã.

quæ sancta mater ecclesia constituit, non faceremus: ideo à pijs eleemosynæ minime negliguntur, vt eis mendaciter imponit Bucer. Deus det vt viduæ, pupilli, ac pauperes non plus opprimantur à Lutheranis, quàm catholicis. Et toties nos catholici illa hæreticis diximus, nec pilo sunt meliores, sed obstinati in malo, sicut Pharao, indies fiunt deteriores: saltem Saluianū audiant, qui ante mille annos sic scripsit: Quæ ratio est, vt ipsi nos falsa opinione fallamus, vt bonum nomen nobis inter peccata opitulari possit, cum spiritus sanctus nec fidem quidem dicat Christianis sine operibus posse prodesse: atq; infra. Et tamen hunc ipsum fidei fructum, infructuosum apostolus sine operibus bonis testatur. Et ad longum lib. 4. prosequitur. Et eo antiquior consonat Theophylactus Alexandrinus lib. 1. Paschalis. Sermo, ratio, scientia, & fides absq; opere cassa sunt, & infra. Sic scientia absque opere, & opus sine fide, infirma sunt & caduca. Belle adfert bona monasteriorum & ecclesiarum esse pauperum: at viderit suos Lutheranos monasteria occupantes, quod nihil omnino perueniat ad pauperes: Imo pauperes eleemosyna quotidiana, quam habuerunt à monachis, modo spoliantur: rusticus dum vina, dū blanda pro censibus attulit, hospitaliter fuit cum iunētis susceptus à monachis. Iam nec Aue ei dicitur. Prælati facilliter subditis in tempore calamitoso subueniebant, vel partem reddituum remittendo, vel in annum expectando, aut egentibus mutuando. Iam nihil illorū fit, & pauperes tanto destituti sunt, monasterijs direptis per Lutherismum, præsidio: quæ omnia transit Bucer, & mendaciter iactat pietatem apud sectarios, quæ apud eos perditur. S. Bernardū adfert sermone 33. super Canticis. Mirū, q; qui alias virum sanctum & doctum exhibant, ac eius aspernantur auctoritatem, modo eum magni faciunt, dum inueniunt, qd culpet monachos. At is est mos hæreticorum, aliquoties sanctos

Bona monasteriorum diripiuntur

S. Bern.